



### 書重用石膏記後

沈仲圭

石膏味辛微寒·非大寒之藥·本經主治產乳·實平和之品·昔賢吳鞠通江筆花叢·皆重用本品·以奏奇績·時賢張壽甫先生之石膏解·(見張氏所著藥物講義)尤為推闡盡致·無如市井之醫·不讀神農本草·不閱名醫治驗·質貿然居一孔之見·妄言石膏大寒·一唱百和·相習成風·雖遇壯熱煩渴之白虎症·祇用數錢而已·杯水車薪·奚濟於事·自誇審慎·殊誤病機·今讀楊君孕靈重用石膏·以挽回危證案·(案附後)深佩其學驗並富·胆識兼具·而獲吳江二氏之心傳矣·惟細觀本病外候·確為陽明府症·治以衷中參西錄中之白虎加入棗以山藥代粳米湯·(楊方照原方加元參白芍萸肉龍牡五味)固屬藥症相對·標本並顧·以治陽明溫病·直同大士甘霖·惟龍牡之止瀉·萸肉之溫斂·大足鋼邪增熱·不知楊君何所取意而用之也·若謂目翻

溺遺·危象畢露·亟須固脫乎·則參之脈象數大·舌苔黃燥·顯非虛脫之候·蓋目翻上視·溺遺不覺·皆熱極所生之變症·若謂大汗淋漓·急宜止瀉乎·則此症之汗·係熱逼津液外洩·祇須清熱存陰·已盡治療能事·非比陽虛自汗·詎可輕施瀉劑·僕於醫理·一知半解·覺此三味·殊於溫病相刺謬·爰艸斯文·就質方家·諒淹博之楊君·必有以釋吾之惑乎·

#### 附錄楊君重用石膏記原文

李姓媳·年廿九·患溫病·即傷寒所謂三陽合病症也·延兩旬·諸醫皆云濕溫症·熱極生風·方用銀翹湯加石決明鉤藤桔梗蘇荷鬱金胡麻蟬脫等藥·病日劇·都云不治·乃邀尚誠診·其症熱汗煩渴·肢冷戰慄·譫語睛泛·身重不能轉側·遺溺不覺·切其脈·數滑而大·右手尤甚·察其苔·膩黃而燥·遂用生石膏四兩·萸肉一兩·龍牡各八錢·知母玄參白芍山藥各六錢·黨參四錢·甘草二錢·服後·熱與汗均愈半·戰慄稍定·譫語亦稍止·治旬日而愈·

(下略)

#### 劉蔚楚君證治叢錄序

## 第二卷 第二十一期

夫玄黃色判。方圓體分。日月壘壁。動植懸殊。窮其原不外造化不化大化之理而已。造化而不化。不化而大化。此非人力所能爲。亦非物質所能悟。而能爲能悟者。只求問於氣之一道。以化爲氣之宗也。今世之科學家。工於化學。乃質化之妙。匪氣化之能。兩儀既分。隨具三才。生五行之秀。見天地之心。人爲兩儀所氣化。萬物爲五行所循生。故五行爲氣化之至工。亦適足爲天地之表正也。追源究緒。探本知由。故以醫道論。當以氣化爲本。質化爲輔。相需而成。我國開化最早。聖賢天資聰明。開創醫道。哲理即寓乎其中。特以五行爲氣化之工。返源爲回流之用。礎潤而雨。月暈而風。此非有所預知。抑亦其氣之感現耳。是以數千年來。醫學成績。一披史籍。未有不爲之驚嘆者。况乎我國醫藥。質化而已兼氣化之玄妙。精而不泛。用之有功。尤非徒重質化者。所能比擬。由是觀之。我國醫學。非庸夫不學者所能探其元微。惜乎苟圖衣食之徒。稍辨之無。懸壺售技。視人命如草芥。以至近人多以我國醫學爲詬病。良可慨焉。余友劉君蔚楚。少年績學。長考岐黃。從學名師。復有心得。歷年來所醫治。曾受其復生之

德者。實繁有徒。辨症最精。用藥最審。圓機活法。從不執着死書。所謂名將用兵。不離乎兵書。亦不泥於兵書。名醫用方。不離乎古方。亦不泥於古方者。舍劉君其孰能當之歟。所著證治叢錄。無言不實。有感斯通。不炫一己之長。復不藏他人之善。變通化裁。謙冲仁厚之至意。尤足藥薄俗而樹楷模。聞其書將再版行世。活世固可無疑。而發揚國光所收之效果當過之。佩服之深。故泚筆而爲之贈序也。

民國十四年乙丑季春

愚弟唐紹儀拜序

## 俞艸水醫術之神異

俞紹溪

俞艸水吾邑名醫也。早歲遊京師江漢間。凡疑難險異之證。屢試屢驗。歸里後。年已六旬餘。不復以此爲生活。然知交請乞。坐上客正復常滿。有樓翁者。俞舊交也。有子年四歲。患痘甚劇。翁五十止此子。鍾愛異常。而家距城七里許。恐俞未必即來。乃親往迎之。遂同至家。其子已狂熱神昏。顙門下陷。俞曰不可爲矣。命在傾刻奈何。樓大痛。泣謂俞曰。子死吾誓不獨生。先生既來之。甯忍坐視不救乎。俞沉思良久曰。旣承見招。敢不盡力。惟視此